

La Higa – inscunter tranter commerzi e consum

En las exposiziuns regionalas ina concurrenza per l'exposiziun da commerzi, industria e mastergn (Higa) a Cuira?

DA GION PEIDER MISCHOL

■ «Voice of rumantsch» sbragia cun grondas letras la vusch rumantscha giu da la paraid. È quai ina nova versiun dal rumantsch grischun? Enten la retscha che sa move da stan a stan èn ils Rumantschs cun lur stget idiom omnipreschents. Ils expositurs or da las regiuns rumantschas van però vi ed almain. U crai be jau quai? En vardad schain avant diesch onns – veseva ins dapi products da nossas regiuns, dapi glieud d'affars era davos ils stans. Nua èn els? Visitaders, che eran pli baud expositurs, m'han ditg ch'els gjajan uss en lur regiun ad exponer, ch'il contact cun la clientella saja là pli famigliar ed il success da vendita meglier. Da regiuns propri rumantschas derivan be 16 dals totalmain 250 expositurs. Dal Partenz cun Landquart e Tavau èn quai be 11, da Cuira 55 e da l'ulteriur Grischun 27. Passa la mesada dals stans èn occupads da firmas da la Bassa, dal Tessin e da la Svizra romanda.

Per mintgin insatge

La Higa è ina piattaforma per interpresas che lavuran sin champ surregiunal ed era interchaintunal. Il visitader survegn ina buna survista da quai che passa e curra en il commerzi, en l'industria ed en ils mastergn: I vegnan preschentadas las pli novas tecnicas, ils pli novs models. La paletta cumpiglia da med quasi cumplessiv la purschida da nutriment e da bavrona. Il visitader po' s'orientar co ch'el duaja sa segirar, co e cun tge materials ch'el veglia fabritgar sia chasa e tgenin auto che seja adattà per visitar ses claints. La chasarina po ponderar co ch'ella vul far il café, cußer e suenter ils strapatschs dal di sa recrear: Cun in bogn che sburfla, cun ina massasca speciala dals pes. Ed ella po dentant sa far in purtret co che sia stiva vegniss a vesair or cun ina nova gruppera pulstrada ed ina pigna da crap, sia chadafieu cun in'autra cumbinaziun da cuchina.

Las exposiziuns spezialas èn attractivas

La persuna nostalgica admira l'exposiziun speziala dal Museum retic «Viagiar en il Grischun enturn l'onn 1900». Da



Las exposiziuns spezialas gjaudan ina bun'accoglientscha. En tge vaiderin pon ins savur: Groffels, café, menta, tubac, vaniglia, citrona? Quai ha vuli savair l'Uffizi da la protezion da l'ambient tar la «concurrenza da fufragnar».

quel temp è i plaunsieu a fin il temp da las charrotschas da posta. La construziun da la Viasier retica, ma era il cuamentzam da la motorisaziun, han stgatschà «ils buns temps vegls» enten ils museums. Noss dis cun lur fracass e travasch laschan savens emblidat quant che nus avain d'engraziar al passà. Oz utilisain nus las vias da colliazion pli u main sainza pensar che questas sendas – segiramain savens cun relaziuns fitg disfavuravilas – èn vegnidat fatgas già en l'antica per il transport da martganza.


Il paür e l'ami d'animals vegn a s'interessar per l'allevament da mils en il Grischun. «Il mil è intelligent, fidaivel, saun, segir, modest e resistant. Ina bestga cun talas preferenzas sto ins trair», è il parairi dals purs interessads.

«Ferm è tgi che na fa nagins sbagls. Pli ferm è tgi che emprendia or dals sbagls», uschia è entitulada l'exposiziun speziala «Tgi che ria uss, ria il meglier: La classa A è puspe qua». Tala na porscha ozendi sulettamain in optimum da lieu, confort e segirezza, ella cuntegna er bleras experientschas che pon gidar a las generaziuns futuras ad obtregnair in nov standard. L'Uffizi da la protezion da l'ambient Grischun preschenta «L'aria». Quest tema vegn fatg enconuschenet al visitader da pliras varts, spezialmain però concernent l'impeszaziun da l'aria e co ch'ins possia evitar tala. A maun d'experiments po sa fatschentiar il giast da maniera termaglianta cun quest element da gas. Uschia vegn per exemplu mussà en tge differentas colurs che las parts da l'aria (nitrogen, oxigen, argon) glischian en ina «bavrola da neon». Ubain ch'ins po studeggiar ed influenzar en in current d'aria ils moviments d'in corp che sgola libramain. La «bar da fufragnar» permetta da savur in grond spectrum d'odurs e d'engiavinar lur derivanza.

L'Assicuranza per vegls e survivents (AVS) accumplescha quest onn ses 50avel anniversari. L'Uffizi federal da las assicuranzas socialas ha mess a disposiziun in'exposiziun ambulanta. Questa tematischescha il med da funcziun, l'istorgia ed ils principi fundamentals da l'AVS. L'assicuranza è ina da las ovras socialas las pli impurtantas da la Svizra, l'exposiziun metta ella en ina relaziun istorica e politica.



La setgentaria Josef Lozza da Mustér, la mazlaria Grond SA da Müstair e la furnaria Meinrad Meier da Sta. Maria: «Charn e paun èn adina dumandads.»



L'Associazion grischuna dals tschentapignas-tschentaplattas: La platta da fiue renescha a nova vita.

Sche ti vols bain esser infurmà, legia La Quotidiana e ti pos restar a cha.

Far affars vul dir discurrer in cun l'auter

Christian Schnoz deriva da Segnas-Müstér. El ha in'interpresa d'urdains da construziun, ina pitschna resgia a Mustér ed ina filiala a Termin. Sia clientella èn ils affars da bajegiar «da Martina fin Tschappina, da Müstair fin Mustér», ma era suror ils cunfins dal Grischun. Schnoz: «La Higa è per nus fitg impurtanta. Cun quai che nus preschentain products exclusivs e sco unics en nossa regiun, furma questa exposiziun ina bona occasiun per entrar en contact, per declarer e render attent la clientella a nossa purschida. Quai faschana dapi 25 onns e dapi lura avain nus era amplifitgà l'interpresa constatamain. Oz lavuran tar nus tranter otg e diesch lavurers en pliazza sur onn. La rauba retraina da l'Italia, Germania, Austria, Spagna, Svezia ...»

Per la Schnoz SA è quai impurtant ch'ils impressaris arrivan a lur stan, uschia hajan els la pussaivladad da mussar tut quai che è vegni nov sin il martgà. In daletg sajan adina ils inscunters novs ed il rinfrestgament da contacts vegls. «Dals 90 000 visitaders s'interessan in u dus procent per nissa spierta, quai èn lura spezialists o glieud



Christian Schnoz: «Las interpresas ston communigar lur spierta; nus vendain dal rest urdains da construziun.»

da professiun che èn era pronts d'entrar en ina relaziun da fatschenta, uschia Schnoz. «Sche l'impressari chatta che nissa product è bun e sch'el

considerescha da cumprar quel cur ch'el sorta da la Higa, lura ha nissa reclama fatg ses effect e nus vain fatg nissa lavur endretg.»